

一本堂行餘醫言

(六十一) 香川修德著



研医会図書館蔵和漢書整理票	
書名	行餘医言
撰・編・著	香川修徳著
記述・筆録	
原本年代	
再・復刻年代	
写記年代	
卷・冊数	30卷 中6巻~10巻まで5冊
刊・写	刊行本
形態	縦 26.0cm 横 19.8cm
登録番号	原簿第19頁 1585
備記	

ケ74.31

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45

一本堂行餘醫言

卷之六
瘡癩痔

198
6



一本堂行餘醫言卷之六下



疥古拜切
音戒

香川修德太冲父著

疥者謂手指間生小瘡甚痒遂及周身也。即邦俗所謂肥前瘡是已。肥前西海道州名。其始自肥前州傳來。猶去廣東瘡也。或以謂黥瘡為華瘡。故未至華瘡已成肥前瘡之意也。大要有痒痛二樣。即俗所謂痒疥痛疥是也。其痒者手指間始生細粟瘡甚痒搔之水出。漸延腕臂遂及周身。有時苦痒則至爬搔委頓難為忍耐。以其瘡在水分故搔

之止出水耳。若搔破較深，則入血分而出血。如是必覺小痛。以其水出，故謂之濕疥。又有小瘡，痒搔之，白屑起，皮頑厚而靱，每作乾痂，以其氣分故不出水。若搔破甚深，微出血水，故謂之乾疥。其痛者，始痒瘡漸多，延大如豆，大小不一，包膿水如痘瘡，焮赤腫起，疼痛潰爛甚者，與徽瘡一般。或有遂成徽瘡者，以其血分故出膿淋漓。古云馬疥者，即是也。

出神農本草柳葉條云：馬疥痂瘡。又見名醫別錄馬勃條。

此證專稱痒疾，雖痛者亦痛痒相半，但痛而有膿者易愈。唯痒而出水者難治。如其無水，唯痒搔之，白皮起，稱乾疥者至難治。有延及十年餘者，若用外敷藥愈之，或浴冷泉取速効者甚，則直成暴水脹而久不愈者，陷成結毒，猶徽瘡結毒，諸證蜂起，終身不可除治。輕者至成諸結，每每發漏，可不慎畏乎？

如攝州多田，冷泉為最，及但州城崎溫泉，稱瘡湯者，諸州呼為愈瘡溫泉類皆同。

間有生蟲者。此其末耳。按靈樞稱疥。

見經脈篇。

神農本草稱疥癩。馬疥。疥蟲。

出石灰。冬灰。五色石脂。青琅玕。藜蘆。羊蹄。敗醬。扁蓄。牙

子。莽草。松脂等。條。馬疥。見上。疥。疥。見雌黃。薑草。鐵落等。

條。疥蟲。見蘭茹。殺羊角等。條。云。殺疥蟲。又按草蒿。條。云。

泉。條。云。疥癩。疥癩蟲。鮫魚。甲。條。云。瘡疥。棟實。條。云。疥癩。

水銀。條。云。疥癩。疥癩。○名醫別錄。及已。條。云。疥癩。疥癩。

柳華。條。云。疥癩。白及。條。云。白癩。疥蟲。防己。條。云。諸蝨。疥

病源候論稱大疥。馬疥。水疥。乾疥。濕疥。

云。疥者有數種。有大疥。有馬疥。有水疥。有乾疥。有濕疥。

多生手足。乃至遍體。大疥者。作瘡。有膿汁。焮赤。痒痛。是

也。馬疥者。皮內隱。嶙起。作垠。墟搔之。不知痛。此二者。則

重。水疥者。瘡癩如小瘰。漿。搗破。有水出。此一種。小輕。乾

疥者。但痒搔。之皮起。作乾。疥。濕疥者。小瘡。皮薄。常有汁

出。並皆有蟲。人往往以針頭挑得。狀如水內。病蟲。○水

疥

疥又見外臺秘要所引延年論

千金方稱風疥

云寒熱瘡及風疥諸雜瘡

又本草細目罌大豆條云風疽瘡疥而引千金方

又云痛疥

云痛疥百療不瘥又云久痛疥濕瘡浸淫日廣瘡不可

堪搔之黃汁出瘥後復發○千金翼亦云痛疥百瘡○

按古稱痛瘡者不知今何疾意是疥類故連稱痛疥邪

病源候論云痛瘡者由膚腠虛風濕之氣折於血氣結

聚所生多著手足間遊相對如新生茶菓子痛痒抓搔

成瘡黃汁出浸淫生長折裂時瘡時劇變化生蟲故名

痛瘡又云燥痛瘡若濕氣少風氣多者其病則乾燥但

痒搔之白屑出乾涸折痛此蟲毒氣淺在皮膚故名燥

痛瘡又云濕痛瘡若風氣少濕氣多其瘡痛痒搔之汁

出常濡濕者此蟲毒氣深在於肌肉內故也又有久痛

瘡候○千金方亦有燥痛濕痛方○千金翼方疥癬門

有痛瘡痛疥方○外臺秘要瘡瘡久不瘥門所引劉涓

子療久痲疥癬諸惡瘡毒方又乾濕癬門所引淡師方
 療痲疥方等痲疥元名醫別錄黃環條已上皆是疥痲混舉難得
 分明又稱疽痲見名醫別錄癰疽條稱疥疽見千金方及由是觀
 之疥與痲非有大異痲亦疥類不可別立門條故今併
 而論之列載考證如前

久疥

見證治準繩又千金方及千金翼方俱云久疥癬

五疥

醫學入門云五疥乾濕蟲砂膿又云砂疥如砂子細箇
 萬病回春亦同○明醫指掌圖云疥有五乾疥濕疥蟲

疥砂瘡膿窠瘡之別

醫學綱目作膿胞瘡又萬病回春云疥後膿疱瘡又秘方集驗云疥

瘡膿窠肥瘡

暴疥

見證治準繩

手疥

見醫學綱目

細疥瘡

出秘方集驗

牛疥

見證類本艸魚脂條云牛疥狗瘡

牛皮疥癩

出萬病回春

赤黑丹疥

見本艸綱目白瓷器條

馬疔瘡

見本艸綱目魚鮓條

蠶疔

同上體腸條

錄補證治要訣云瘡癬疥此雖皮膚小疾不足為害然瘡有惡瘡癬有頑癬疥癩嗜膚尤為煩擾甚至經年累月不能脫油凡病此者不當專用外敷藥須內宣其毒可也此言尤得要領故舉載焉

附字辨

疥者痒疾也。故說文云搔也。韻會舉要韻會小補康熙字典

文作搔三書恐誤說文元有搔無瘙周禮天官疾醫夏時有痒疥疾後漢書

鮮卑傳蔡邕議邊垂之患手足之疥瘙中國之困曾背之

療疽此皆手爬搔刮之意而劉熙釋名云疥齧也癢搔之

齒齧齧也可謂鑿矣韻會舉要云或作疥康熙字典云類

篇或作癩字彙云癩同疥正字通云癩癩並俗疥字今皆

勿用正字通引鮮卑傳其下云韻會引入疥註改作疥謂

疥通作蚘。集韻亦作瘰。篇海別作癬。並非。以是為斷。極佳。
 癩音戈。字彙云。疽瘡。又云。禿瘡。康熙字典云。同。痲而痲。下
 云。玉篇瘡也。集韻禿也。一曰創也。正字通云。癩有戈。科瓜
 三音。方俗異讀。其為癩創一也。而皆未見有似疥義。此由
 字書之不詳于醫事耶。併考諸醫書。可自知也。○又按肘
 後方云。但是腰脚已下。名為癩。此言可疑也。以其與病源
 以下云。多著手足間者異也。

癬音鮮
換典切

癬亦疥類。痒疾也。故古連稱疥癬。大槩有二種。一種瘡作
 圓文。如錢形。邊高中低。邊生細粟。瘡甚痒。搔之汁出。漸展
 連生。二三瘡。四五瘡。大者作斜形。扁形。大小無定。粟瘡中
 間有細蟲。多生面頰。肩項。兩手。間有生腹背兩脚者。以其
 似錢形。故俗呼為錢瘡。此證易治。一種瘡生陰股。始如粟
 粒。甚痒。難堪。搔之汁出。或唯白屑起。漸延自陰毛中。及臍
 下。少腹。至臍上。或自會陰。左右展兩臂。上腰。下足。遍體無

所不至。皮漸頑厚。色淡黑。殆如牛領皮。有至苦痒。終夜不寐者。以其陰股特多甚痒。故俗謂之陰癬。多著男子。婦人至稀。此證極難治療。若困其痒。急用外敷速愈藥。則不徒瘡不癢。或發暴水脹。或毒氣內攻。致卒死者。比比而有。可不畏乎。此證為終身之滯患。未奈之何而已矣。但在其陰股始痒之時。就早用藥。或浴溫泉。則可以免至蔓延矣。既及數月者。決不可治也。不可不畏慎。而速施療術也。併舉濫名。開示無益。如白癩。

見神農本草。藿菌條。○又出名醫別錄。白及吳茱萸根條。○又見病源候論云。白癬之狀。白色皴皴而痒。

乾癬

病源候論云。乾癬。但有匡郭。皮枯索痒。搔之白屑出。是也。風沈入深。故無汁。為乾癬也。其中亦生蟲。○又見外臺祕要。所引崔氏方。○又稱燥癬。見外臺祕要。所引肘後方。

濕癬

同上云濕癬者亦有匡郭如蟲行浸淫赤濕痒搔之多
汁成瘡其裏亦有蟲○又見千金方及外臺祕要引
古今錄驗

燥濕癬

出千金翼方○又見外臺祕要引深師方○又稱乾
濕癬見外臺祕要及引深師方崔氏方

風癬

病源候論云風癬抓搔頑痺不知痛痒其裏亦有蟲

圓癬

同上云圓癬之狀作圓文隱起四畔赤亦痒痛是也其
裏亦生蟲

久癬

同上云久癬是諸癬有蟲而經久不瘥者也○又出千
金翼方

細癬

見千金方又出本艸綱目羊蹄條

雀眼癬

病源候論云雀眼癬其文細似雀眼故謂之雀眼癬搔之亦痒中亦生蟲

惡癬

出本州綱目葭菈條引千金翼今考千金翼無此名

頑癬

同上銅青條引筆峯雜興方○又見祕方集驗

陰癬

見丹臺玉案

痂癬

出名醫別錄有名未用羊實條

花癬

出本州綱目巴豆條

梅花禿癬

同上胡麻油條引普濟方

吹花癬

證治準繩云面上風癬初起痞癩或漸成細瘡時作痛
痒發於春月名吹花癬

錢癬

出本州綱目木槿條引王仲勉經驗方

荷錢癬瘡

同上巴豆條引邵以正經驗方

苔癬瓦癬荷葉癬

見三因方○苔癬又出壽世保元

小兒胎癬

本州綱目桑蠹蟲糞條引聖惠方云小兒頭生瘡手爬
處即延生謂之胎癬

奶癬

外科正宗云奶癬兒在胎中母食五辛父食炙煖遺熱
與兒生後頭面遍身發為奶癬流脂成片睡卧不安搔
痒不絕○秘方集驗作乳癬

五般瘡癬

見肘後方附方中經驗方○本艸綱目韭條亦引經方

五癰

醫學入門云五癰濕頑風馬牛又云風癰即乾癰馬癰

又曰狗癰○又明醫指掌圖云癰亦有五風癰頑癰濕

癰馬癰牛癰

杖癰

見先醒齋筆記

血癰

出本艸綱目煙膠附方引積德堂方

廣癰

見證治準繩亦名千層癰

楊梅癰

見丹臺玉案○此二名與徽瘡混尤過泛濫勿用

蟲癰癰蟲

出本艸綱目絲瓜條引攝生衆妙方又水銀附方癰蟲引外臺秘要

輕粉條引陳藏器又名醫別錄有名未用馬逢條云

牛癬狗癬刀癬

病源候論云俗云以盆器盛水飲牛用其餘水洗手面即生癬名牛癬其狀皮厚抓之鞣強而痒是也其裏亦生蟲狗癬俗云狗舐之水用洗手面即生癬其狀微白點綴相連亦微痒是也其裏亦生蟲刀癬俗云以磨刀水用洗手面而生癬名為刀癬其形無匡郭縱斜無定是也中亦生蟲

牛皮癬

出本草綱目明礬條引直指方○又出魯府禁方

牛皮風癬

同上木槿條引扶壽方又黃牛肉附方引直指方

牛皮頑癬

同上雌黃條引直指方

牛皮惡癬

同上輕粉條

馬皮癬狗皮癬

行餘醫言

癬

外科正宗云馬皮癬微痒白點相連狗皮癬白斑相簇
松皮頑癬類是也

赤水玄珠云風癩松皮頑癬久不瘥

古連稱疥癬或謂疥與癬或混稱不分

千金方千金翼方及外臺秘要所引廣濟方近効方劉

涓子方等以下皆同○本出名醫別錄斑蝥條

或云疵疥或云疵癬互稱無別

疵疥出千金方疵癬出千金翼方

雖其同痒疾至相近似故連混無所別而其辨則如前所
舉而不可亂也故重論及焉

錄補鷓鴣掌瘡

多著手掌足底輕者掌中見小白星微痒用爪搔破去之
則皮也以似蟲蝕津所為故俗稱裏蟲重者多生小瘡甚
痒搔破流膿水皮拆裂太似鷓鴣掌故稱鷓鴣掌瘡或致久不
愈足痛膿潰不可步履如陳實功所謂是也

外科正宗云鷓鴣掌風火熱血燥外受寒涼所凝致皮枯

稿又或時瘡餘毒未盡亦能致此初起紫斑白點久則皮膚枯厚破裂不已

但風字大不當故今用瘡字又如龔信云鵝掌癬頗佳優於風字大遠矣

古今醫鑑云楊梅瘡已服輕粉愈後手癬或手掌上皮膚退一層又退一層生生不絕者名曰鵝掌癬又萬病回

春云鵝掌風癬

又如王肯堂云千層癬手心毒者亦此類也

證治準繩云輕則發廣癬亦名千層癬多生手心足底重疊不已

又云病穿掌貧子孟穿窠天蛇亦皆俗名愈出愈鄙陋竟

是杜撰之濫名也

坐板瘡
本艸綱目胡麻條引筆峯雜興方云坐板瘡疥又秘方集驗云腎腸風坐板瘡八角刺瘡

眉癬 煉癬

本艸綱目旋覆花條引總微論云小兒眉毛眼睫因癬退
 不生○又卮子條引保幼大全云眉中煉癬○又云眉煉
 儒門事親云夫小兒在面曰眉煉又云夫小兒甜瘡久不
 瘥者俗呼曰香瘡是也多於面部兩耳前○又云煉眉本
 艸類纂必讀云煉眉即鍊銀瘡○又云煉眉瘡癬本艸綱
 目百藥煎附方引外科精義云小兒面漣瘡又名鍊銀瘡
 乃母受胎時食酸辣邪物所致○又云蕪窩瘡本艸綱目
 肥皂英附方引摛玄方云頭耳諸瘡眉癬蕪窩瘡又牡鼠糞附方

云小兒蕪窩瘡○又云月食瘡見病源候論本艸綱目○又云
 窩生瘡食作割○又云
 甌哇瘡千金方云凡炊湯經宿用洗體成癬洗面無光洗
 脚即疼痛以上諸瘡皆是疥癬類也故併錄焉

附字辨

癰或作癰音同癰劉熙釋名云癰徙也浸淫移徙處日廣也故青徐謂癰為徙也此說亦幾于鑿乎从徙則可言从鮮則不可言史記越世家云吳王伐齊子胥諫曰吳有越腹心之疾齊與吳疥癩也又俗省作癰正字通云俗作癰者恐非也玉篇云癰蟲名由音同為此說耳決不可用也又康熙字典云癰得案切音旦癰病此亦不可取也

臙瘡

離鹽切音廉

臙瘡者謂脚脛生瘡多痒少痛搔破出血汁膿水淋漓經年不愈偶愈復發不可根治也或有乾燥皮厚皮肉紫黑者此證頑固數年不瘥陷成結毒者間有之若用外敷藥速愈方或浴冷泉如攝州多田冷泉是也求速効則陷成暴水脹而死若不急死滯成結毒與微瘡結毒不異又俗用故油紙或故敗傘紙圍裹脛外此雖與敷輕粉藥大惡法異而亦不得不惡唯非在其始萌之時施法則不可治也已成頑

瘡者常食發物魚鳥辣茄類以排毒驅滯活致新血擯出
 陳膿候勢差減而後浴發瘡溫泉如但州城嶧溫泉多日
 辨新湯者是也
 長洗及四五回則自然可得瘡去毒拔終致全愈慎勿性
 急謂不能治而迷甘言貪速效以招大害也間有上及膝
 上內外腿者甚者下足趺至穢爛若夫肝瘡

千金方云有久癰餘瘡敗為淡疽者在臍脰間喜生瘡
 中水惡露寒凍不瘥經年成骨疽亦名肝瘡淡爛青黑
 四邊堅彊中央膿血汁出百藥不瘥汁潰好肉處皆虛

腫○按古無臍瘡名此條雖有少異稱肝瘡者始于此
 也故舉載焉○又見何墳本艸類纂必讀

肝瘡

詩經巧言篇既微且尫朱傳肝瘡為微孔氏曰郭璞云
 肝脚脛也瘡瘡也膝脛之下有瘡腫是涉水所為

腰瘡

宋莊禪雞肋編云瘡發于足脛骨傍肉多難合北人謂
 之腰瘡南人呼為肝瘡其實一也

臙瘡

見儒門事親

禪口風

見魯府禁方

裙邊瘡

見壽世保元又出祕方集驗

裙風禪口瘡

見證治準繩云婦人名裙風禪口瘡

袴口瘡

出醫學入門

蛙脚臙瘡

見本草綱目馬齒莧條引海上方

血注脚瘡

同上木耳條引奇効良方

脚肚瘡

見醫學入門

脛瘡

同上馬齒莧發明又楓香脂條引袖珍方云久近脛瘡血風瘡

外科正宗云血風瘡發則搔痒無度破流脂水日漱治開羊艾紫黑堅硬又云風濕流注腿脚致生血風頑瘡紫黑癢痒○又本艸綱目銀朱條引簡便方云血風膿瘡又萬方回春云血風瘡癬瘡蟲瘡及坐板瘡疥癩等瘡

腎臟風

證治要訣云癩風因精未調外為風濕內蘊從陰囊濕汗作痒起流注四肢手又白色悉生瘡瘍俗謂之腎臟風按仁齋直指腎臟風癢條云囊間濕痒謂之腎臟風世所共知也祕方集驗囊癢下云腎腸風癢痛景岳全書云凡腎囊濕痒抓破成瘡俗名腎上風也醫學入門云腎臟風瘡此非膿瘡亦非外腎風瘡乃腎虛有火血燥或患色精不出而內敗初起兩足時熱脚跟作痛多

於內脛或臙上痒極抓破成瘡久則能漸延開失治延及腿股遍身者有之觀以上所說則似非臙瘡而證治準繩云兩臙如癬搔痒久則膿水淋漓或搔起白皮者名腎臟風古今醫統云臙腿生瘡經久不愈類風癬名腎臟風瘡名醫類案腎臟風瘡條云按腎風屬腎虛風邪乘於臙脛以致皮肌如癬或漸延上腿久則延及遍身外證則搔痒成瘡膿水淋漓眼目昏花內證則口燥舌乾腰脚倦怠吐痰發熱盜汗肌瘦今審此元俗稱且

濫名雖致貽辨竟是臙脛之瘡而非他何得非臙瘡乎三因方舉癩風條云男子精血不調外為風冷痰襲致陰下濕痒搔之不已流注于脚悉生瘡瘍名曰癩風世謂腎臟風者乃認癩為腎也癩屬宗筋系於肝胃陽明養之陽明主肌肉循經流入四肢故使四肢生瘡正謂之癩風非腎臟風也此元囊瘡故謂癩風雖使元是囊瘡苟已流在脚脛如尋常必有臙瘡則此亦謂臙瘡不為不可也且指陰囊濕痒謂腎臟風固大非也又指足

脛瘡為腎臟風亦益謬矣。要之濫名之所致誤之又誤。有不須言者。讀者宜損此等之杜撰而可也。

裙風瘡

本艸綱目頭垢條引簡便方云婦人足瘡經年不愈名

裙風瘡

驢眼瘡

秘方集驗云驢眼瘡生脚脛骨週圍如臙瘡樣

過老瘡

見醫林集要

爛腿瘡類

見景岳全書

臙瘡以鴉來時則發。鴉去時便瘡。故稱鴉瘡。究竟臙瘡之有發止者。雖瘡時亦自止耳。其實非長愈也。發時其痒搔之延。是腿脛或臙或乾皮厚作白。全與臙瘡一樣。但以其有發止姑異名耳。後有終年發不止者。乃即臙瘡也。巢元方始言之。

病源候論云。鴈瘡者。其狀生於體上。如濕癬癰瘍。多者四支。乃遍身。其瘡大而熱。疼痛。得此瘡者。常在春秋二月八月。鴈來時。則發。鴈去時。便瘥。故以為名。亦鴈過荆漢之域。多有此病。

後世又稱鴈疝。又謂春生者。稱燕疝。

正字通引類篇云。

漫喜多名。華人之習弊。故作種種浮華之稱。却致拘名迷實之害。

附字辨

臙字彙云。脛臙。康熙字典引集韻。脛臙也。蓋以脛似物莖之義。脛可以行之義。臙有廉稜之義。自可解釋。而無所不通。而正字通云。臙俗字。舊註音廉。脛臙泥。此說似亦已甚矣。當從字彙字典為脛。義可也。先醒齋筆記等作廉。非也。康熙字典云。音廉。廣韻。癩瘰病也。集韻。喉病也。又音廉。臙疾。俱與臙不相干涉。其誤可見也。

瘰音漏即豆切

瘰即瘰癧也。古者云瘰，又稱瘰癧。後世多不言瘰，唯稱瘰癧。但瘰者已潰之名，而瘰癧者未潰之稱。又呼其始小者為結核。雖同一疾，所見異狀，故稱謂隨別。而究之其實則一也。只有久近大小潰不潰之異耳。夫瘰之為病也，頸邊始結核，或左或右，或左右俱生。上及耳後，下延缺盆，前至頤後，亘項。按之粒粒可知。其小者如大豆，如銀杏。大者如桃栗，大小圓扁，縱橫不齊。或二三，或五六，或十餘顆累累。

相連。屢歷。可存數小時。不腫。大則必腫。初無痛癢。間有痛者。又有久不起發。經年無何異者。及已腫大。色紅赤。又或痛。或不痛。已潰出稠膿。或出黃汁。淋漓多年。久難收口。或惡寒發熱。或上下前後牽引拘急。甚者上頰車耳前。旁及腋下。若出稠膿者。可治。唯出黃汁者。極難治。若膿汁多年。出不休者。後成勞瘵。而久。又有小兒十一二之時。頸邊生一二小結核者。後多成勞瘵。已試十數人。皆然。可畏之甚也。又有頰車耳前左右。生硬腫。經年月。潰開細孔。黃水

出。不休者。俗呼為氣腫。數年不愈。後必至死。元是瘰癧中之一證。必以不治之疾也。間有開三四孔者。即蟻瘻也。又觀近時世人所患之瘻。多是徽瘡結毒之所發漏也。雖膿汁多漏不斂。故調治中。竅能得全愈。予常言。今人之瘻。全是徽毒之發漏。太類便毒。故可謂頸便毒者。非戲言也。蓋頸之為體。猶兩山之間。溪澗挾處。亦與腹腿合縫之處。彷彿。近似。又其所患。自結核。至發漏。亦同。所以謂彷彿便毒者。不亦宜乎。此吾門之所發明。而世之所不知也。故古之瘻。

多少而令之瘰，不以其徵毒發漏，雖久出膿不至，以足徵知也。靈樞說鼠瘻瘰癧，似未的切。

寒熱篇云：寒熱瘰癧在於頸腋者，皆何氣使生？曰：此皆鼠瘻，寒熱之毒氣也。留於脉而不去者，也曰去之，奈何？曰：鼠瘻之本皆在於藏，其末上出於頸腋之間，其浮於脉中而未內著於肌肉而外為膿血者，易去也。曰去之，奈何？曰：請從其本，引其末，可使衰去而絕其寒熱。審按其道，以予之，徐往徐來，以去之，其小如麥者，一刺，知三

刺而已。曰決其生，歟奈何？曰：反其目視之，其中有赤脉，上下貫童子，見一脉一歲，歟見一脉半一歲半，歟見二脉二歲，歟見二脉半二歲半，歟見三脉三歲，而歟見赤脉不下貫瞳子，可治也。目中赤脉之說，大可怪也。今試看之，未嘗有之，以爲不的切也。而其為瘰者，此疾之本名，取瘡已潰漏，形如鼠穴，塞一復穿一之義，而瘰癧者，狀腫核未潰，累累相連，歷歷可見之貌，則明白無以惑也。又邪氣藏府病形篇云：肺脉微瀼，爲鼠瘻，在頸支

腋之間下不勝其上其應善瘕矣

素問曰鼠瘻寒熱還刺寒府寒府在附膝外解營骨空論

鼠瘻又出神農本草黃耆薇銜假蘇蛇含連翹夏枯草狼毒雄黃礬石殺孽牡蠣斑蝥地

膽等名醫別錄磁石條云鼠瘻頸核又石膽特生礬石通草王瓜常山側子鼠尾草虎骨等

病源候論千金方千金翼方外臺祕要及所引范注方

深師方救急方集驗方劉涓子方張子仁方備急方古

今錄驗張文仲方以下皆同○千金方千金翼方並作

鼠漏

癩瘻又出神農本草鹿藿條又連翹假蘇兩條云鼠瘻

李條云名醫別錄淫羊藿條病源候論千金方千金翼方外

臺祕要及所引甲乙鍼經廣濟方肘後方范注方文仲

方集驗方劉涓子方救急方延年方經效方經心錄崔

氏方以下皆同

又云馬刀俠癩

經脈篇云腋下腫馬刀俠癩汗出振寒○甲乙經千金

方並稱馬刀瘡○按壽世保元云形長如蛤者為馬刀

又醫燈續焰云馬刀蛤蠣之屬癰形似之挾癭者發于
 結縷之處大迎之下頸側也二癰一在腋一在脛常相
 連絡故俗名歷串又張介賓曰馬刀癩癧也挾癭挾頸
 之癰屬也一曰結核連續者為癩癧形長如蜺蛤者為
 馬刀又曰脇肋下者為馬刀俱出類經注○辨曰馬刀蚌屬
 此貝較長似馬之刀故命名也今癩癧形長似之故亦
 以馬刀呼之耳蓋蛤雖總稱而分之則有別凡長者曰
 蚌圓者曰蛤雖蚌蛤連稱此乃其辨也龔潘張三氏似

未的知馬刀故致其解不明又挾癭亦癩癧之別名而
 非贅癰按字彙正字通康熙字典俱云挾傍也竝也韻
 會舉要云集韻或省作夾書懷為夾註也韻會小補
 亦同或胡頰切音協或古洽切音甲言癩癧形如馬刀
 竝傍也癭故連稱馬刀挾癭也

筋癭脛腫

經筋篇云頸筋急則為筋癭脛腫
 神農本草以下其名尤煩如頸下核

行館醫書 卷之六下 一本堂藏書

出海藻條又名醫別錄玄參條云散頸下核又磁石條

云鼠瘻頸核

五漏

同上見地榆條○又有疽瘻痔孔公疥瘻痂瘍水銀等

名俱不分明故不舉

蟻瘻

見名醫別錄雉肉鮫鯉甲條○千金翼方作蟻漏

馬力爛瘡

同上藜蘆條

瘻乳

同上王不留行條

馬刀瘻頸癭瘻

並出甲乙經○千金方云寒熱酸痛四肢不舉腋下

腫馬刀瘻又云胷中滿腋下腫馬刀瘻又云腋下腫馬

刀肩腫吻傷此專言腋下核腫為馬刀

九瘻

子餘醫言 瘻 三十 一本堂藏書

病源候論云諸瘰者謂瘰病初發之由不同至於瘰成

形狀亦異有以一方而治之者故名諸瘰而方說九瘰

者是狼瘰鼠瘰蠅蝻蜂瘰蚘蟬蟻蝻瘰浮疽瘰瘰

瘰瘰轉脉瘰此頸之九瘰也瘰瘰者年少之時不自謹

生也始發之時在於頸項有根出缺盆上轉連耳本鼠

瘰者飲食之時不擇蟲蛆變化所生也使人寒熱蟬蝻

腸有毒不去變化所生也始發之時在於頸上狀如蝸

形癭胗而出也蜂瘰者食飲勞倦渴乏多飲流水即得

蜂毒不去變化所生也始發之時其根在頸歷歷三四

處俱腫以潰生瘡狀如癰形瘰而復移蚘蟬瘰者因寒

腹中臙脹所得寒毒不去變化所生也始發之時在其

頸項使人壯熱若傷寒有似疥癬毒毒孔出蟬蝻瘰者

恐懼愁憂思慮哭泣不止餘毒變化所生也始發之時

在其頸項無頭尾如棗核或移動皮中使人寒熱心滿

浮疽瘰者因毒結馳患徃反變化所生也始發之時在

於頸亦在掖下如兩指無頭尾使人寒熱欲嘔吐瘰瘰

瘰者因強力入水坐濕地或新沐浴汗入頭中流在頸

上之所生也始發之時在其頸項恒有膿使人寒熱轉

脉瘰者因飲酒大醉夜卧不安驚欲嘔轉側失枕之牙

生也始發之時在其頸項濯脉轉身如振使人寒熱復

有三十六種瘰方不可次第顯其名而有蜚蝗蝻等

諸瘰非九瘰之名此即應是三十六種瘰之數也但瘰

發兩腋下及兩顛顛間初作喜不又有蟻瘻蠅瘻鵝鳥

痛不熱若失時治即生寒熱也

鶴瘻尸瘻風瘻鞠瘻蜚瘻骨疽瘻蚯蚓瘻花瘻蠍瘻

耗瘻腦瘻癰瘻極瘻蟲瘻石瘻蛙瘻蝦蟆瘻蛇瘻螿瘻

瘻赤白瘻內瘻雀瘻膿瘻冷瘻久瘻已上二十七名合前九瘻為三十六

種瘻數也即三十六鞠瘻又曰石鞠瘻○諸瘻病狀詳見本書文

多故不盡載○千金方云論曰夫九漏之為病者寒熱

瘻癰在於頸腋者何氣使生此皆鼠瘻寒熱之毒氣也

堤留於脉而不去者也何謂九漏一曰狼漏二曰鼠漏

三曰螻蛄漏四曰蜂漏五曰虻漏六曰蟻蟪漏七曰

浮沮漏八曰瘰癧漏九曰轉脉漏又有漏冷瘻風漏蟻

漏蜚娘瘻蚯蚓瘻蠍瘻蝦蟆瘻蛇瘻蛙瘻馬刀瘻頭當

瘻雀瘻膿瘻石瘻○外臺秘要引集驗方有九種瘻

目同病源候論又廣濟方崔氏方並云瘻有九種又引

千金方皆作瘻○醫學入門云九漏肝主狼漏胃主鼠

漏大腸主螻蛄漏脾主蜂漏肺主虻

浮漏心主蟻蟪漏膽主浮蛆漏腎主瘰癧漏小腸主轉

筋漏萬病回春等皆同如是則五藏四府有漏而膀胱

何因不主漏乎三焦何因不主漏乎此皆由強事配當

而然其可笑可斥無復過之者又明醫指掌圖云夫瘻

瘰癧之病者，即古所謂九漏也。形狀不一，生頸項者，曰瘰癧。生乳枝者，曰馬刀，而亦作蠛蠅漏。又作浮蛆漏。文字異同或當。○名醫別錄：地榆、蝮蛇肉等條云：諸瘰癧，又鼯有一誤。鼠條云：諸瘰癧，惡瘡消石條云：瘰癧蝕瘡。

瘰癧。見靈樞。邪氣藏府病形篇。千金方。千金翼方。外臺祕要。

及所引肘後方。廣濟方。集驗方。必效方。備急方。劉涓子方。崔氏方等。同。千金方。千金翼方。俱或作漏。○按名醫

布條云：瘰癧。瘰癧。鼯魚條云：瘡瘰。

漏九漏

並見上

結核

見千金方。及外臺祕要。所引廣濟方。

頸漏

見千金翼方。

鼠瘻漏瘻

並見本草方續集。

陰瘻

本州綱目牡狗陰莖條引日華子

五癩

同上鴛鴦條引食醫心鏡又芥子條引廣濟方云五種癩疾

三十六種癩

見上又本州綱目馬齒莧條引食療云三十六風結瘡土蜂癩

同上烏鴉頭主治引聖惠方

野雞癩瘡

同上土撥鼠肉主治引陳藏器

蛇盤癩瘡

同上海藻條引危氏得效方云蛇盤癩瘡頭項交接者

又蕎麥條引阮氏方赤水玄珠云癩瘡生於頭項上交接名蛇盤瘡

蟠蛇癩

醫學綱目云癩瘡多生肩項或赤或白或沈或浮初生如莖久似核年月浸久其大如梅或如雞卵排行為列

或生二三或生六七俗云蟠蛇癰是也又見壽世保元

流注癰

又云流注癰婦人多有之其性急躁其氣怫鬱其心執着初生在項破後膿注四肢遍體結毒如梅李狀不瘳自破孔竅相穿寒熱疼痛或流膿汁是名流注癰也又名千歲瘡

癰子瘡

見丹溪心法附餘

單窠癰蓮子癰重臺癰燕窠癰

醫學綱目云單窠癰者生一箇也發於頸項最難治蓮子癰一胞裏十數枚生於項之左右重臺癰生於項頸或左或右初則單窠結在上或在下重疊見之是名重臺癰燕窠癰形似燕窠不可治瓜藤癰惠袋癰蜂窠癰

壽世保元云延及脅前連腋下者名曰瓜藤癰左耳根腫核者名曰惠袋癰右耳根腫核者名曰蜂窠癰○此

就左右改名者尤杜撰之甚也

風癰熱癰血癰痰癰氣癰鼠殘癰

醫學入門云風癰尖而小熱癰焮腫赤色又名血癰痰癰推動滑軟氣癰圓而動又有鼠殘癰大小不一

錐銳癰

類經圖翼云錐銳癰右邊生起

鮮漏

醫說云有人脚肚上生一瘡久遂成漏凡經二年百藥

不効自度必死一村人見之云此鮮漏耳以石灰二三升百沸湯泡薰洗如覺瘡痒即是也病者如其言用灰湯淋洗果痒竟用此洗不三兩次遂乾

馬老鼠瘡

外科精義云療癰馬老鼠瘡

疽癰

千金方云小兒疽癰○此元出神農本草孔公孽條云疽癰痔已見上

鼠漏。蟻漏。螻蛄瘻。蜂瘻。虬瘻。疥。蟪。浮疽。瘰癧。瘰癧。轉
 脉瘻。狼瘻。蠅瘻。鴟鳥瘻。尸瘻。風瘻。鞠瘻。蜚。娘瘻。骨疽。瘻。
 蛆。蚓瘻。花瘻。蠹瘻。虻瘻。腦瘻。癰瘻。極瘻。蟲瘻。石瘻。蛙瘻。蝦
 蟆瘻。蛇瘻。螳螂瘻。赤白瘻。內瘻。雀瘻。膿瘻。冷瘻。久瘻。石鞠
 瘻。狼漏。螻蛄漏。蜂漏。虬漏。疥。蟪。浮疽。漏。瘰癧。漏。轉。脉
 漏。風漏。顛當漏。螻蛄漏。浮蛆漏。轉筋漏。蜚。蛆漏。歷。串。

以上皆見上。○風漏。蟻漏。又見千金翼方。蠹瘻。又見本
 艸綱目。半夏條。引聖惠方云。蠹瘻五孔相通者。蜂漏。又

同上。蠅。娘。條。引陳藏器。

結風氣腫。

千金方云。小兒無故寒熱。強健如故。而身體頸項結核。
 瘰癧。及心腹胷背。裏有堅核。不痛。名為結風氣腫。又外
 臺秘要。所引文仲方云。惡肉。惡核。惡脉。瘰癧。風結腫氣。
 金顛瘡。蝕。究竟此亦瘻耳。

本艸綱目。雞腕。胫。裏黃皮。條。引聖濟總錄云。金顛瘡。蝕。
 初生如米豆。久則穿蝕。顛音腮。

附字辨

瘻。說文云。頸腫也。一言以蔽之矣。但瘻即漏之義。元是同音。故孫忠邈換漏字云。九漏鼠漏是也。金方正字通云。六書故。瘻當作漏。漏疾不止一處。瘻瘡不差久則成漏。漏即漏也。說文漏。屋穿水下也。玉篇與漏同。屋穿水入而自結核。至膿潰。總謂之瘻。故說文之說盡之矣。但以瘻漏音同。瘻專漏義。向所謂瘻已潰之名者。為是也。又作漏字。彙云。音漏。漏瘡亦作瘻。正字通云。亦通為漏。周禮馬黑脊而瘵。

臂。蠅內則作扁。乃扁疾。此雖瘰與扁通。同漏疾。而於頸腫。則不可通。故不可用也。瘰癧。瘰之未潰之時。結核兩三。或五六累累。相連重疊。歷歷可存數。故由其形狀。謂之瘰癧。向必謂瘰癧。未潰之稱者。可以見也。瘰。魯水切。音壘。瘰。即狄切。音曆。正字通云。本作瘰。俗省作瘰。又作瘰。字彙。正字通俱云。俗瘰字。康熙字典云。集韻。瘰病。或作瘰。又作瘰。字彙云。同瘰。康熙字典云。廣韻。同瘰。正字通云。瘰。本字。通作瘰。瘰癧。瘰。三字俱僻難。不易通。不可用也。

痔

痔之為疾也。其證多端。或有肛門痛而瀉下血者。或有止肛門痛者。或有由大便秘結。堅大燥屎。出肛門。破痛血出者。或有止肛門腫痛者。或有肛邊。左右前後。生鼠乳痛者。或有肛邊腫核疼痛者。或有肛邊乳腫。如指頭。大痛難忍。後破出膿血者。或有頻痒難堪者。或有肛口痒而復痛者。或有外面無何異。肛內痛。覺似腫。雖裏急。而大便不通。苦痛發熱。欲死者。俗謂之內痔。或有無痛下血數升者。或有

乳腫破出膿水。膿少黃汁多。晝夜不止者。或有肛之左右前後開穴。黃汁常出不止者。或有瘡孔至四五穴者。此即痔漏也。凡痔久不愈者。皆成漏。又有肛門出而不入者。謂之脫肛。脫肛即是痔中之一證。而非別疾。多由堅大燥屎難出。強自努責。而肛門遂脫出耳。故小兒痢疾多致脫肛。以其皮腸未固。柔軟易脫也。凡一脫肛者。遂成熟路。每大便必出。輕者推入之則收。中者不得輒入。百方纔得復本。甚者脫肛腫大。痛不得入。不能坐。唯側卧待愈。用藥如治

而後得水出。腫消。纔納原穴。至重者脫肛腫大。終不復納。坐立俱不能。只側卧。以俟腫消而已。腫消而後強推入。纔可以納。腸中形狀萬變。不可縷舉。究其所因。皆是由飽食過飲之所為耳。或饕餮厚味。多啖糖果。或沈酒醇酎。常帶酒氣。或好喫炙烤焦香之物。其食飲真秀精純之氣。潤養周身之外。大過有餘。直下腸中。其勢壯強。席卷長驅。衝突肛門。外出成痔。腫痛瀉血也。故痔元盛候。有餘之氣自內推出。而然也。猶食飲有餘之氣上逆成喘哮也。故痔與哮

俱是穀氣有餘之疾。但有上逆下衝之異耳。由其且痛苦且瀉血為虛不足者。固多有之。雖然以其有餘之疾。故雖疾甚而不死者多。又有虛弱之人。患此疾者。此亦同因。蓋以虛弱之人。常食當減少。以為適。而常食與平人之食同。則在常人則非過。而在虛弱之人。則既已過矣。且其所減以為適者。亦謂已過矣。况與常人之食。齊乎。所以有有餘之氣下墜成痔也。後世觀由其瀉血膿水致虛不足。乃謂此疾屬虛。如薛已以下明醫皆然皆由不知本因也。又由勞責脫出。

肛門即是自內推出之勢強。可以見也。如小兒痢疾。婦人產後與痢疾裏急是也。若飽暖小兒。雖非痢疾。亦脫肛。此由過愛多食也。又非痢疾裏急。與婦人產後而脫肛者。此非勞責而然。即是向所謂有餘之穀氣。且夕下衝。自內推出。而然。亦可以見也。素問已論因飽食。可據取也。但其說不十分明切耳。其他靈素。唯稱痔者。不過四五條。素問云。因而飽食。筋脉橫解。腸辟為痔。生氣通天論又云。其女子不孕。瘕痔遺溺。嗑乾骨空論。

又云、癩疹瘡瘍癰疽瘰癧痔又云痔瘡發至真要大論

靈樞云腎脉微瀦為不月沈痔邪氣藏府病形篇

又云膀胱是主筋所生病者痔瘡狂癲疾經脉篇

又云寒熱痔熱病體重腸中熱熱病篇

五痔之名始出神農本草猶未列其目

見神農本草黃耆槐實桐皮龜甲蝟皮○又見名醫別錄

錄榘實鰻鱺魚蜜陀僧等條

或云疽痔

同上五色石脂雄黃石硫黃扁蓄敗醬蛇含漏蘆等條○又見名醫別錄羊蹄根

疽癰痔

同上孔公孽條

瘡痔

同上牙子條

腸痔

同上藥水露蜂房蛇蛻等條

痔核

同上鼈甲條

痔蟲

同上石灰條云又見名醫別錄葵肉條

痔蝕

見名醫別錄青箱子條

脫肛其名漸多

見神農本草蛞蝓條○又見名醫別錄卷柏蝸牛生鐵等條

及巢元方雖備五品以諸痔稱之至孫思邈全從巢氏目

稱五痔舉之後世多祖據焉王燾又引淡師集驗崔氏等五痔泛濫之弊之所來不獨後世為然也

病源候論云諸痔者謂牡痔牝痔脉痔腸痔血痔也牡痔肛邊生鼠乳出在外者時時出膿血者是也牝痔肛邊腫生瘡而流血者牝痔也脉痔肛邊生瘡痒而復痛出血者脉痔也腸痔肛邊腫核痛發寒熱而血出者腸痔也血痔因便而清血隨出者血痔也又有酒痔肛邊生瘡亦有血出又有氣痔大便難而血出肛亦出外良

久不冝入諸痔皆由傷風房室不慎醉飽合陰陽致勞擾血氣而經脉流溢滲漏腸間衝發下部有一方而治之者名為諸痔非為諸病共成一痔痔久不瘥變為瘻也

千金方云論曰夫五痔者一曰牡痔二曰牝痔三曰脉痔四曰腸痔五曰血痔牡痔者肛邊如鼠乳時時潰膿血出牝痔者肛腫痛生瘡脉痔者肛邊有瘡癢痛腸痔者肛邊核痛發寒熱血痔者大便清血隨大便汚衣又

五痔有氣痔寒溫勞濕即發牡痔生肉如鼠乳在孔中

頗出見外妨於更衣牝痔集驗作酒痔從孔中起外腫五六

日自潰出膿血腸痔更衣挺出久乃縮脉痔更衣出清

血又云槐子圓治燥濕痔痔有雌雄皆主之○千金翼

方立腸痔門載五痔下血等又論曰凡人大便有血即

是痔病勿得慢之慎乾棗油膩豬魚夫患痔在身所服

名藥皆不得力徒棄功夫一無所益欲服餌者當斷之

乃可服也

外臺祕要所引淡師療五痔數年不差槐子丸主燥濕
 痔痔有雌雄為病苦暴有乾燥腫痛者有崩血無數者
 有鼠乳附核者有腸中煩痒者三五年皆殺人忌飲酒
 及作勞色犯之即發千金翼同又集驗療五痔有氣痔溫寒
 濕勞即發牡痔生肉如鼠乳在孔中頗見外妨於更衣
 牝痔從孔中起外腫五六日自潰出膿血腸痔更衣挺
 出久乃縮脉痔更衣出清血千金刪繁文仲同又崔氏論曰凡
 痔病有五若肛邊生肉如鼠乳出孔外時時膿血出者

名牡痔也若肛邊腫痛生瘡者名酒痔也若肛邊有核
 痛及寒熱者名腸痔也若大便輒清血出者名血痔也
 若大便難肛良久不入者名氣痔也此皆坐中寒濕或
 房室失節或醉飽過度必得當時不為患久久不差終
 能困人肘後集驗同其他廣濟方小品方刪繁方必効方等
 同稱五痔
 惠民局和劑方云五腫腸風瀉血糞前有血名外痔糞
 後有血名內痔大腸不收名脫肛穀道四面努肉如豚

名舉痔頭上有孔名瘻一本瘻下有瘡內有蟲名蟲痔七字○王璠百一

選方亦同但云穀道四邊有努肉如乳頭名鼠姦痔有穴腸出血名漏

本事方續集云大凡五痔皆因虛憊恣食五辛五味雞魚而成熟毒墮入大腸津液不通氣血凝滯久坐久忍不糞水冷入河水洗酒後行房及暑月行路坐諸熱地又移坐冷種種能成斯病一者肛腸生肉腎痔鼠姦或似櫻桃或大豆時時出血又如出膿名曰鼠姦痔二者

肛邊大乳痛腫無膿血名酒痔飲酒便發三者肛邊努核疼痛難忍糞則有血或因憂愁思慮冷熱不調無時而發名曰氣痔或大便澁難氣結不通下血面黃食少無味名曰口痔四者大便後下諸膿血更加痛澁肛腸努出名曰脫肛痔五者氣攻兩腎脬大便不通糞血色下赤黑毒熱不消肛門濕痒一似蟲行名曰風熱內痔陳言二因方云經云腸澼為痔如大澤中有小山突出為痔人於九竅中凡有小肉突出者皆曰痔不特於肛

門邊生亦有鼻痔眼痔牙痔等肛門中證狀不一方書
 分出五種曰牡曰牝曰脉曰腸曰氣牡痔者肛邊腫痛
 突出一枚五六日後潰出膿血自愈牝痔者肛邊發癰
 數箇如鼠乳狀脉痔者无頭脉中逆小竅注下清血腸
 痔者生在腸內更衣時非按搦不入氣痔者遇憂怒則
 發肛門腫疼氣散則愈治之之法切勿用生砒毒氣入
 腹反至奄忽近見貴人遭此痛不忍言因書以戒後學
 ○後世稱五痔者或以牡牝脉腸氣萬病回春或以牡酒腸

血氣韓保昇云舉皆就病源千金及局方本草中牡牝脉腸

血氣酒乳之目易一二來充其數耳不足論也

凡如牡痔牝痔脉痔氣痔血痔酒痔燥濕痔舉痔鼠疥痔
 瘻漏口痔脫肛痔風熱內痔

已見上

及外痔內痔

外臺祕要云許仁則曰此病有內痔有外痔內但便即
 有血外有異外痔下部有孔每出血從孔中出內痔每

便即有血下血甚者下血擊地成孔出血過多身體無

復血色有痛者有不痛者內痔外痔○千金方亦有外痔

腸痔已見上又見外臺秘要所引肘後方刪繁方備急

肝此脫肛已見上又見病源候論千金方千金翼方外

腸痔臺秘要及所引肘後方范注方刪繁方集驗

蟲痔

仁齋直指云臟腑本虛外傷風濕內蘊熱毒醉飽交接

多慾自戕以故氣血下墜結聚肛門宿滯不散而衝突

為痔也諸痔出血肛門間別有小竅下如血線不與便

物共道痔久不愈必至穿穴瘡口不合漏無已時此則

變而為瘻矣前乎治法之外抑猶有說焉腸風臟毒之

與痔瘻同出而異名也歲積月累淫蝕腸頭濕爛可畏

此果何物致然哉虫是也其間執劑又當為之化虫不

然古書何以謂之蟲痔○按本州綱目雞肉條引陶弘

景曰同生葱食成蟲痔未見本書不知然否而據神農

本草名醫別錄俱有痔蟲字則知蟲痔之稱亦當古矣

故併記以備考。○又見本事方。又見本州綱目。擯搦條。

熱痔。

同上。

肉痔。

見本事方續集。又見本州綱目。擯搦條。使民食療。

糞花漏。合官漏。澹珠漏。榮漏。腸風。

同上。

食痔。羊姦痔。

出醫壘元戎

腸風痔。雌雄痔。

見外科精義。又見錦囊秘錄。

濺血痔。

見奚囊便方。

單漏。

熊宗立醫書大全云。又有無痔者。肛門左右別有一竅。

流出膿血。名為單漏。

反花痔。

見病機沙篆又作翻花。

明醫指掌圖醫學正傳古今醫鑑等皆同。

風痔。

見本艸綱目。

白僵蠶條引勝金方云腫痛發歇不定者是也。

鼠痔。

同上。

穿山甲條引直指方又見蜘蛛絲條。

野雞痔。

醫學綱目云野雞痔下血腸風。

外野雞痔野雞內痔五野雞病。

本艸綱目烏爛死蠶條引陳藏器云外野雞痔又獼猴

桃實條引陳藏器云野雞內痔病又鯢條引孟詵云五

野雞病又綿條同。按仁齋直指腸風門云大人小兒

大便下血日久多食易飢腹不痛裏不急名曰野雞

雞冠痔。

同上。

黃連條引斗門方又見醫學正傳古今醫鑑等。

久痔。

見證治準繩

蟻蝨痔

見古今醫鑑

牛奶痔

出祕方集驗

七痔

明醫指掌圖云古人有七痔之目牡痔者發露肉珠狀如鼠乳時時潰膿血牝痔者肛邊生瘡腫痛出血其

頭反陷入脉痔者腸口頻頻發癩且疼且痒出血淋漓腸痔者腸內結核有血寒熱往來登圜脫肛血痔者每遇大便清血隨下不止蟲痔者肛門浸淫濕爛內有蟻蟲蝕其腸為瘡氣痔者大便難強力努之則肛出不收○按古人未有七痔之目雖巢氏於五痔之外舉氣痔酒痔而未嘗稱七痔孫氏以下亦然此以蟲易酒亦好出新奇誇多名之必為耳末又以瘰癧瘻與痔瘻混訛謬莫甚焉

二十四種痔

古今醫鑑云古方分為二十四種名狀不同究其所以因亦不過久嗜辛熱炙煨新酒及房慾憂患蘊積熱毒憤鬱之氣所成也或藏於肛門之內或突出肛門之外大如雞冠蓮花核桃之狀小如牛奶雞心櫻桃之形云云而舉二十四證痔歌曰痔證分三八憑君仔細看莫交年月久見者膽心寒菱角看形怪蓮花不可觀穿腸并鼠乳酒色兩相干莫聽翻花怨蜂窠亦不寬雌雄同氣

血子母及腸盤玄珠尤可怪勾腸痛若鑽核桃與流氣見者便心酸粟子於中大雞心在外安珊瑚形可惡那便脫肛難內痔紅不出搭腸裏內盤垂珠更難治日久有雞冠切莫輕刀火令君性命殘用功無半月去病更

除根

菱角痔穿腸痔蜂窠痔子母痔腸盤痔玄珠痔勾腸痔核桃痔粟子痔珊瑚痔搭腸痔垂珠痔雞心痔蓮花痔色痔見上○醫學正傳云其為變見名狀種種不同曰牛姪

曰鼠疥曰雞心曰雞冠曰蓮花曰翻花曰蜂窠曰穿腸

曰外痔○古今醫統作蜂窩

痔瘻

見外臺祕要所引廣濟方

本外臺網目蠶紙條引
突囊備急方作痔瘻

痔漏

見千金方

腸漏

見醫學綱目又出明醫指掌圖

三十年痔

見外臺祕要所引古今錄驗又云五痔十年又千金方

云五痔十年又外臺祕要引千金云五痔五十年不差

今考千金方有十年無五十年千金翼方亦作十年

歷年脫肛

同上引集驗方千金方

截腸病

醫學綱目云大腸頭出痛苦乾又落落又出名截腸病

腸盡則死。○究竟此亦脫肛也。

運氣痔。

證治準繩云：運氣痔發皆屬寒。

酒毒腸風下血。

出百一選方。

溫毒下血等。

古今醫統云：便後下血，腹不痛，名溫毒下血。

及謂是濕熱風燥四氣而合。

蘭室秘藏云：受病者燥氣也，為病者胃濕也。胃刑大腸。

則化燥火，以乘燥熱之實，勝風附熱而來，是濕熱風燥。

四氣而合。

或謂木乘火勢而侮金。

同上云：飽食行房，恐泄前陰之氣，歸於大腸，木乘火勢。

而侮燥金。

或謂痔鬻肝脾腎三經。

薛已云。

其他亦皆肺大腸表裏合邪之說

劉完素張元素以下至明諸醫派皆同

若非煩眩濫名。必是生剋配當鑿空之妄談。無要領無明
瑩。遂增後世無見識者之迷惑。終啓冥搜妄投之端。何可
不歎乎。又有腸風臟毒之稱。按自唐以前未見其名。蓋在
宋以後歟。或云腸風痔病。劉完素或云腸風下血。張杲或
云臟毒下血。張杲或云腸風瀉血。痔漏臟毒。許叔微或云
腸風臟毒與痔瘻同出異名。楊士瀛或云腸風臟毒。屈出痢

疾。陳言或云血清為腸風。血濁為臟毒。許叔微以上諸說
紛紛不歸一定。蓋謂腸風者言腸中受風邪。遂成下血也。
臟毒者言臟腸蘊毒。遂成瀉血也。素是俗稱無深義。究竟
痔疾下血之異名耳。今皆畧書以備考證。

宣明論云夫腸風痔病者必發乎太陰手陽明經以應
動脈謂肺與大腸為表裏主為傳道以行糟粕腸風痔
病有五種其證亦異。痔門痔瘻總論

醫說云痔腸風臟毒一體病也極難得藥亦緣所以致

疾不同雖良藥若非對病固難一槩取效常人酒色飲食不節臟腑下血是謂風毒若釋子輩患此多應飽食久坐體氣不舒而得之乃脾毒也○又云予外兄劉向為嚴椽子過之畱飲訝其瘦瘠問之荅曰去歲臟毒作凡半月自分必死得一藥服之至今無苦問何藥不肯言再三扣始言只這卓子上有之乃是乾椽燒灰飲下二錢本艸曰枳治腸澼解熱毒消宿血有病者宜求之素問腸澼為痔泊宅編○又云人患腸風下血者何也

人腸皆有脂裹之厚則腸實而安腸中本無血血緣有風或有熱以消其脂腸遂薄滲入身中血初患者必服冷藥而愈服之過當則腸寒而脂愈不生其血必再作凡熱者其血鮮冷者其血青黑醫餘○又云臟毒下血洛陽一女子年四十六七耽飲無度多食魚蟹攝理之方蔑如也後以飲啖過常蓄毒在臟日夜二三十度大便與膿血雜下大腸連肛門痛不堪任醫以止血痢藥不効又以腸風藥則益甚蓋腸風則有血而無膿凡如

此已半年餘氣血漸弱食漸減肌肉漸瘦稍服熱藥則腹愈痛血愈下服稍涼藥則泄注氣羸粥愈減服溫干藥則病不知將暮歲醫告術窮垂命待盡或有人教服人參散病家亦不敢主當謾與服之才一服知二服減三服膿血皆定自此不十服其疾遂愈後問其方云樗根白皮人參各一两為末二錢也空心溫酒調不飲酒以溫米飲代衍義○腸風痔疾門其謂風毒脾毒亦濫也且謂腸中無血者見死腸故也人身何所不有血此由不知血

之誤以為神氣也又人參散治女病亦可謂惑矣
 本事方云頃年有一人下血幾盈盆頓爾疲然諸藥皆不效予曰此正腸風令服玉屑圓三服止予苦此疾三十年蓄下血藥方近五十餘品其間或驗或否或始驗而久不應者或初不驗棄之再服有驗者未易立談大抵此疾品類不同對病則易愈如下清血色鮮者腸風也血濁而色黯者臟毒也肛門射如血線者蟲痔也腸風瀉血痔癩臟毒門

行餘醫言

卷之六下

本堂藏書

仁齋直指云腸胃不虛邪氣無從而入人唯坐卧風濕
醉飽房勞生冷停寒酒麪積熱以致榮血失道滲入大
腸此腸風臟毒之必由作也挾熱下血清而色鮮腹中
有痛挾冷下血濁而色黯腹內畧痛清即為腸風濁則
為臟毒有先便而後血者其來也遠有先血而後便者
其來也近世俗糞前糞後之說非也抑猶有說焉腸風
之與蟲痔特介乎毫芒之間腸風之血自腸中來蟲痔
之血肛門邊傍別一小竅射如血線是也迨夫肛門既

脫腐血浸淫於其間則俱化為蟲蠹蝕腸口澹血淋漓
自此又不能約而收之矣腸風門腸風論○或云腸風
下血腸風五痔腸風臟毒久
不止腸風痔瘻腸風瀉血脫肛腸風臟毒痔
瘻腸風血痔臟毒下血傷酒臟毒其稱不一又云腸風
臟毒之與痔瘻同出而異名也歲積月累淫蝕腸頭濕
爛可畏此果何物致然哉蟲是也其間執劑又當為之
化蟲不然古書何以謂之蟲痔諸痔門
三因方云夫有五痔人奏圍則下血或點澹或泝箭或
清或濁面黃唇白心忪脚弱頭目眩暈此因飽食坐久

行餘醫言

痔

五十八

本堂藏書

腸癖必為亦有飲酒房室過度必致世醫多指此為腸
 風臟毒然腸風臟毒自屬滯下門臟毒即是藏中積毒
 腸風即是邪入藏純下清血謂之風利今五痔下血乃
 是酒痔脉痔其血自肛門邊別有一竅如針孔大淫淋
 而下與洩物不共道不可不知辨腸風論○其門有脉
 痔下血治方若為腸風臟毒屬滯下門則何以此門載
 治五痔腸痔等方乎矛盾特甚

證治要訣腸風臟毒門附痔漏云血清而色鮮者為腸
 風濁而黯者為臟毒或在糞前或在糞後此乃因登園
 糞中有血却與瀉血不同臟毒者蘊積毒氣久而始見
 腸風者邪氣外入隨感隨見此三因方五痔臟毒腸風
 辨之甚詳臟毒腸風之血出於腸臟間五痔之血出於
 糞門蝕孔處治各不同無擇翁烏連湯治脉痔外無形
 而只下血一線如箭或點澹不能已此由脉竅中來也
 又云痔漏證狀頗多自屬外科不復繁引既血自內出
 不可全仗外傳

古今醫統云腸風下血乃痔漏之源大便下血先哲有
 糞前糞後遠近之說此一端也大抵此則大腸已受濕
 熱之傷而但未形於外也此其所以為內痔者是也人
 不知覺悉謂腸風復齋論深得病情可謂詳切著明矣
 明醫指掌圖云挾熱下血暴發者則血色清鮮腹中有
 痛若挾寒而下血兼積久者則血色凝濁而色黯腹內
 微痛故暴病則為腸風蓋腸風者邪從外入隨感而隨
 見是也積久始發濁者為臟毒蓋臟毒者久積其毒而

始發是也有先血後便者其血來也近先便後血者其
 血來也遠俗謂糞前糞後非也

其他若證治準繩景岳全書證治大還錦囊祕錄醫通
 皆是依樣葫蘆無甚發明不暇一一舉載

或以痔脫肛與腸風臟毒為二門

三因方

或以痔漏與脫肛為二門

傷病回春

或以痔漏脫肛腸風臟毒為三門

仁齋直指以下醫書大全明醫指掌圖錦囊秘錄等同

或以脫肛屬痢中痔屬外科

證治要訣

以上諸說總皆由不知脫肛即痔中之一證腸風臟毒即痔血之俗稱故致費辨強解屑屑為鑿空之贅言亦皆以不曉知諸患證狀雖多終歸一因一病之綱要也

附字辨

痔說文後病也正字通康熙字典並引增韻隱瘡也韻會舉要

韻會小補說文為稊釋名云痔食也蟲食之也此說不可俱作隱創

從也陳言曰痔如大澤中有小山突出為峙人於九竅中

凡有小肉突出者皆曰痔不特於肛門邊生亦有鼻痔眼

痔牙痔等見三方此或一說也蓋峙山屹之貌字彙正字通

同又山獨立貌韻會舉要即像乳腫突出謂以痔省之意也又

正字通云同文舉要別作痔篇海作瘡並非按痔小渚也

康熙字典云唐韻集韻並直里切音雉水中高土此亦似

19
7585

行會西

卷之六下

一本堂藏書

為但不可用僻字耳。脫肛謂肛門脫出也。而有用疝字者。
 大非也。玉篇云疝下病也。字彙以下云脫疝下部病。正字通
俱同。熙字典若以疝為脫肛病字則當單用疝一字足矣。何可
 更加脫字乎。而今謂脫疝則似謂疝病脫去也。其為刺字
 背義何有甚焉者哉。字學者已如此。醫人不知疝非肛門
 之肛。空乎盧和於脫疝下云俗作肛非也。舟溪纂要其以不學
 無術反為妄作。說雖不足深責亦多見其不知量也。此
 由全不曉文字也。

一本堂行餘醫言卷之六下畢

